

## ՀԱՇՎԵՏՎՈՒԹՅՈՒՆ

Երեխայի համընդհանուր նպաստների վերաբերյալ միջազգային համաժողովին  
մասնակցելու նպատակով Ժնև (Շվեյցարիա) գործուղման արդյունքների  
վերաբերյալ

### 1. Անունը, ազգանունը

Սմբատ Սախյան

### 2. Զբաղեցրած պաշտոնը՝

ՀՀ աշխատանքի և սոցիալական հարցերի նախարարի տեղակալ

### 3. Գործուղման վայրը և ժամկետները՝

Ժնև (Շվեյցարիայի Համադաշնություն), 2019 թվականի փետրվարի 6-8-ը

### 4. Հրավիրող կողմը՝

ՄԱԿ-ի մանկական հիմնադրամ

### 5. Գործուղման նպատակը՝

Մասնակցություն Երեխաների համընդհանուր նպաստների վերաբերյալ  
միջազգային համաժողովին

### 6. Քննարկված թեմաները

- 1) Երեխաների համընդհանուր (ունիվերսալ) նպաստները որպես Երեխայի սոցիալական պաշտպանության (ապահովության) իրավունքի բաղկացուցիչ մաս,
- 2) Երեխաների համընդհանուր (ունիվերսալ) նպաստները որպես երեխաների շրջանում աղքատության հաղթահարման հիմնական գործիք,
- 3) Երեխաների համընդհանուր (ունիվերսալ) նպաստների միջազգային փորձը:

## **7. Հանդիպումները, ելույթները, բարձրացված կամ քննարկված հարցերը**

Համաժողովի ընթացքում քննարկվել են երեխաների համընդհանուր (ունիվերսալ) նպաստների կապակցությամբ առկա խնդիրները, ներկայացվել է խնդրո առարկայի վերաբերյալ միջազգային փորձը և այդ փորձից քաղված դասերը:

Ընդ որում, քննարկումները կազմակերպվում էին պանելային սկզբունքով և յուրաքանչյուր պանելային քննարկումից հետո ամփոփվում էին պլենար նիստի ընթացքում:

Մասնավորապես, նշվել է, որ բոլոր երկրներում երեխաներին միտված նպաստների շրջանակներում քննարկվող հիմնական հարցադրումներն են.

1) դրամական նպաստներ, թե՛ ծառայություններ (ոչ դրամակա՞ն նպաստներ),

2) համընդհանուր (ունիվերսալ) նպաստներ, թե՛ եկամուտների վրա հիմնված նպաստներ:

Բանախոսները հիմնականում նշում էին, որ յուրաքանչյուր երկիր ինքն է որոշում երեխաներին տրվող նպաստների նշանակման պայմանները՝ կախված բազմաթիվ իրողություններից (երկրի սոցիալ-տնտեսական իրավիճակ, աղքատության մակարդակ, բյուջետային հնարավորություններ, պատմականորեն ձևավորված հասարակական հարաբերությունների առանձնահատկություններ և այլն):

Սակայն, կան խնդիրներ, որոնք համընդհանուր են:

Մասնավորապես, նշվեց, որ աղքատության վրա ուղղակի ազդեցության տեսանկյունից, որպես կանոն, ավելի արդյունավետ է դրամական նպաստների քաղաքականությունը, քանի որ այն ոչ միայն նպաստում է երեխաների շրջանում աղքատության վերացմանը, այլև որոշակիորեն նպաստում է երեխա խնամող մայրերի սոցիալիզացիային նրանց որոշակի դրամական միջոցներ տրամադրելու միջոցով:

Նշվեց նաև, որ հասցեականության (թիրախավորման) տեսակետից առավել արդյունավետ են ծառայությունները (ոչ դրամական նպաստները), քանի որ շատ

ավելի հեշտ և արդյունավետ է վերահսկել, որ ծառայությունները ստանան երեխաները: Իսկ դրամական նպաստների դեպքում գործնականում անհնար է վերահսկել, որ գումարը ծախսվի երեխայի լավագույն շահի հաշվառմամբ:

Միաժամանակ, դրամական նպաստները, ի տարբերություն ծառայությունների (ոչ դրամակա՞ն նպաստների), ավելի արդյունավետ է վարչարարության (կառավարելիության) տեսանկյունից:

Մյուս կողմից, բանախոսների կարծիքով համընդհանուր (ունիվերսալ) նպաստները ավելի արդյունավետ են եկամուտների վրա հիմնված նպաստների համեմատ, քանի որ համընդհանուր (ունիվերսալ) նպաստների դեպքում, ի տարբերություն եկամուտների վրա հիմնված նպաստների.

- 1) վերանում է բացառման և ներառման սխալների հավանականությունը,
- 2) էապես նվազում է իրականացվող վարչարարությունը, ինչը նպաստում է հասանելիությանը,

- 3) էապես նվազում են կոռուպցիոն ռիսկերը և այլն:

Սակայն բանախոսները հիմնականում նշում էին, որ համընդհանուր (ունիվերսալ) նպաստների հիմնական «թերությունը» ծախսատարությունն է (այսինքն՝ ավելի թանկարժեք համակարգ է):

Բանախոսներն առանձնահատուկ ուշադրության արժանացրին նպաստների նշանակման և վճարման գործընթացում անձի արժանապատվության և ամոթին վերաբերող խնդիրներին՝ որպես կարևորագույն ասպեկտ:

Մասնավորապես, նշվեց, որ եկամուտների վրա հիմնված նպաստների դեպքում կարող են առաջանալ անձի արժանապատվության և ամոթին վերաբերող խնդիրներ, որոնց արդյունքում տուժում է երեխան:

Բանախոսները նշեցին նաև, որ երեխաներին միտված նպաստներն ըստ էության հանդիսանում են ներդրում մարդկային կապիտալում, քանի որ ըստ էության լուծում են ապագայի խնդիր:


## **8. Քննարկման արդյունքում որոշվեց՝**

Առաջիկայում խորհրդաժողովի կազմակերպիչները կամփոփեն և կիրատարակեն խորհրդաժողովի նյութերը:

**9. Առաջարկությունները, դրանց ընթացք տալու վերաբերյալ  
առաջարկները՝ եղանակը, ձևը, ժամկետները, պատասխանատուները,  
ակնկալվող արդյունքները**

Ըստ էության, ՄԱԿ-ի մանկական հիմնադրամն առաջարկում է երկրներին  
ներդնել երեխաների համընդհանուր (ունիվերսալ) նպաստների համակարգ՝  
առնվազն երեխայի կյանքի առաջին հազար օրվա համար:

**10. Ստորագրությունը, ամսաթիվը**



12.02.2019թ.